

## Ngatitarisei Svondo yemichindwe

1. Jesu akaraira vadzidzi kuti vaende muguta. Ikoko vaizondowana mbongoro ne mwana wayo iyo yavaida kushandisa. Ko Jesu akudzei vadzidzi vake?
2. Ko Jesu akaziva sei kuti mwene we mbongoro aizotenda kumupa?
3. Vadzidzi vaifanira kutii kumwene wembongoro?
4. Vanhu vakaitei kuratidza rukudzo wravo kunaJesu apo akapinda muJerusarema?
5. Ko vanhu vakadanidzira vachiti chii?
6. Jesu akapinda muJerusarema akatasva mbongoro sa Mambo wenyika yose. Ko nemhaka yei Jesu akatasva mbongoro panzvimbo chebhiza?
7. Ko izvi zvinorevei pamusoro peupnyu hwedu sevaKristu.
8. Mutoro rudzii uyo Jesu akatitakurira?
9. Ko iwe ungaitei kuratidza rukudzo rwako kunaJesu?

## Svondo remichindwe



**Wakaropafadzwa Uyo unouya nemuzita  
raShe. Mapisarema 118:26**

## Zakariya 9:9-10

*Mambo wako arikuuya*

9 Fara kwazvo iwe mukunda weZioni; pururudza iwe mukunda weJerusarema; tarira, mambo wako anouya kwauri; ndiye wakarurama, ndiye unokunda; unozvinipisa, akatasva mbongoro, iyo mhuru mwana we mbongoro.

10 Ndichaparadza ngoro pakati paEfraimi, namabhiza pa Jerusarema; vuta vokurwa vuchaparadzwa; uchataurira nhudzi dzavanhu rugare; ushe hwake huchabva pagungwab kusvikira pagungwa, nokubva kuRwizi Kusvikira kumigumo yenyika.

### **Hosanna, Loud Hosanna**

*Jeanette Threlfall*

Hosanna, loud hosanna,  
The little children sang;  
Through pillared court and temple,  
The lovely anthem rang.  
To Jesus, who had blessed them,  
Close folded to His breast,  
The children sang their praises,  
The simplest and the best.

## Mateo 21:1-11

Jesu anogamuchirwa muJerusarema

Vakati voswedera kuJerusarema uye vasvika muBhetifage pagomo reMiorivhi, Jesu akatuma vadzidzi vaviri, 2 achiti kwavari, “Endai kumusha wamakatarisana nawo uye imomo muchaona mbongoro yakasungirirwa pamwe chete nomwana wayo. Mudzisunungure muuye nadzo kwandiri. 3 Kana pano munhu anotaura chinhu kwamuri, mumuudze kuti, Ishe anodzida uye achadzidzosa nokukurumidza.”

4 Izvi zvakaitika kuti zvizadzise zvakataurwa kubudikidza nomuprofito achiti:

5 “Muti kuMwanasikana weZioni, ‘Tarira, Mambo wako anouya kwauri, ari munyoro, akatasva mbongoro, ari pamusoro pomwana wembongoro.’”

6 Vadzidzi vakaenda vakandoita sezvavakanga varayirwa naJesu.

7 Vakauya nembongoro nomwana wayo, vakaisa nguo dzavo pamusoro padzo, uye Jesu akagara pamusoro padzo. 8 Vanhu vazhinji vakawarira nguo dzavo mumugwagwa, vamwewo vakatema mapazi emiti vakaawarira mumugwagwa. 9 Vazhinji vakanga vakatungamira mberi navaya vakanga vachitevera vakadanidzira vachiti: “Hosana kuMwanakomana waDhavhidhi!” “Akaropafadzwa uyo anouya muzita ralshe!” “Hosana kumusoro-soro!”

10 Jesu akati apinda muJerusarema, guta rose rakazungunuswa, vakabvunza vachiti, “Ndianiko uyu?” 11 Vazhinji vakati, “Uyu ndiye Jesu, muprofito anobva kuNazareta kuGarirea.”

*(Verengawo: Mako 11:1-10, Ruka 19:28-38, Johani 12:12-15)*